

OPĆINA TEŠANJ

IZVJEŠTAJ 2018.

OPĆINSKOG NAČELNIKA
za 2018. godinu

Broj: 02-49-2-142/18.

Datum: 20.01.2019. godine

SADRŽAJ

SADRŽAJ	2
UVOD	3
LOKALNA UPRAVA	4
REALIZACIJA STRATEŠKIH DOKUMENATA	6
BUDŽET OPĆINE TEŠANJ	6
EKONOMIJA I POSLOVNO OKRUŽENJE	6
EKOLOGIJA I OKOLIŠ	9
MLADI	12
KULTURA I NASLIJEĐE	13
POLJOPRIVREDA	13
KOMUNALNA INFRASTRUKTURA I SAOBRAĆAJ	14
JAVNA PREDUZEĆA I USTANOVE	15
MJESNE ZAJEDNICE	16
NVO	17
BORAČKE POPULACIJE	17
PENZIONERI, SOCIJALNA ZAŠTITA	18
DOMAĆE I MEĐUNARODNE INSTITUCIJE-SARADNJA SA DRUGIMA	19
REZIME	20

**„Život je kao vožnja biciklom,
treba neprestano ići naprijed, bez zaustavljanja, da se ne izgubi ravnoteža“**

Albert Ajnštajn

UVOD

Izvještaj za 2018. godinu je rađen u cjelovitom obliku sa informacijama na godišnjem nivou iz različitih područja djelovanja.

Rad Općinskog načelnika (kao i Općinskog vijeća) uvijek prate određene okolnosti vremena i prostora. Tako je 2018. godina bila godina u kojoj smo imali rekordan Budžet općine Tešanj, visoka ulaganja u infrastrukturu, godina u kojoj je rađen veći broj „velikih“ projekata (most, dvorane, bunar, Glinište, Kanalizacija...). Prošla godina je prva godina realizacije nove Strategije razvoja. Ostvarili smo u 2018. godini značajnu finansijsku podršku brojnih institucija u aktivnostima općine. Pratili su nas izazovi u vremenskim prilikama (u više navrata vjetar, kiše, bujice...). S druge strane Tešanj, kao ni bilo koji drugi dio Bosne i Hercegovine nemoguće je izuzeti iz općih okolnosti i trendova: krupnih političkih tema, potrebnih reformi u „radnom“ zakonodavstvu, migracija stanovništva, sve manjeg interesa građana za javno dobro i sl.

Izvještaj sadrži dio informacija, a mnogo detaljnije informacije o ostvarenju općinske politike i stanju u određenim oblastima rada i djelovanja sadržane su u brojnim informacijama i izvještajima koje tokom godine razmatra Općinsko vijeće (*Izvještaj o realizaciji Plana kapitalnih ulaganja, Budžet i Izvještaji o izvršenju Budžeta, Infarmacijo o realizaciji Strategije općine Tešanj, Informacija/izvještaji o poslovanju javnih ustanova i preduzeća na području općine Tešanj, Informacija o stanju poljoprivrede i realizaciji općinskog poticaja na području općine Tešanj, Informacija o radu mjesnih zajednica, Informacija o radu nevladinih organizacija na općini Tešanj, Informacija o organizovanju i funkcioniranju sistema zaštite i spašavanja i zaštite od požara, Informacija o ostvarivanju prava pripadnika boračkih populacija, Informacija o održavanju lokalnih puteva na području općine Tešanj, Informacija o socijalnoj zaštiti na području općine Tešanj - položaj građana u socijalnoj potrebi i položaj djece i omladine sa posebnim potrebama...*). U svim ovim izvještajima i informacijama sadržane su informacije o ostvarenju općinske politike u različitim oblastima. O svakoj od oblasti bi se moglo još mnogo reći, a s druge strane ima područja ili aktivnosti koje su važne za život svih nas, a nisu u izvještaju prvenstveno zbog stvarne nadležnosti lokalne samouprave i Načelnika ili ograničenosti izvještaja (širinom) ili želje da se pažnja zadrži na određenim područjima. Na kraju, nema definisane forme za ovakve izvještaje, kao što ni sama forma ne znači mnogo ukoliko neko želi ili ne želi iz iste iščitati ili prepoznati suštinu.

LOKALNA UPRAVA

Poslovi u Općini Tešanj obavljaju se u 5 službi od strane 80 uposlenika uposlenih na neodređeno vrijeme, 2 uposlenika na određeno vrijeme do 2 godine, kao i 1 savjetnik Općinskog načelnika i Općinski načelnik. Radni odnos je prestao kod 5 uposlenika, s tim da su zaposlena 2 nova uposlenika. Kraj godine smo dočekali sa provođenjem konkursnih i oglasnih procedura za nekoliko radnih mjesta. Postupci dugo traju a provodi Agencija za državnu službu FBiH. Ovo je sigurno najmanji broj zaposlenih u nekoj općini u BiH u odnosu na broj stanovnika .

a) *Neposredno rukovođenje lokalnom upravom*

Realizirano je ukupno 31 sastanka rukovodstva općine na kojima je razmatrano 68 tačaka dnevnog reda. Svi zapisnici su javni i nalaze se na općinskoj web stranici. Općinski načelnik je prema nadležnosti aktivni sudionik administrativnih procesa u općini i odgovoran za izvršenje Budžeta. Time se u stvari veliki dio vremena posveti redovnim poslovima rukovođenja općinskim organom uprave.

b) *Servisiranje rada Općinskog vijeća*

Općinski načelnik i uprava servisirali su Općinsko vijeće pripremivši materijale za 109 tačaka dnevnog reda (110 u 2017., 85 u 2016.) 48 tačaka ranije planirano i 61 dodatnu, pripremivši 72 (61) odluke i nacrtu, 40 (38) izvještaja i informacija, 3 (15) rješenja. Odgovoreno je ukupno na 108 (170) akata – 47 (108) vijećničkih pitanje, 32 (36) inicijative i 29 (46) amandmana.

c) *Administrativne i upravne usluge lokalne uprave*

Općina Tešanj pruža veliki broj usluga kroz servisne centre (tzv. šalter sale), koji su organizovani u Tešnju, Jelahu i Tešanjci. U 2018. godini urađeno je 80.148 ovjera dokumenata, od čega je 57,6% naplaćenih usluga (57.862 KM), a 42,4% usluga oslobođenih od plaćanja administrativne takse (studenti, učenici, boračke populacije, socijalni slučajevi i sl.) u vrijednosti od 35.160 KM.

Iz matičnih evidencija izdato je 18.845 izvoda i uvjerenja iz matičnih knjiga (2017. godine 16.542), što je više za 15% nego 2017. godine, te preko 3.000 akata po službenoj dužnosti iz ove oblasti. Pored navedenog izvršeno je 15.300 provjera za lične dokumente (CIPS).

Rad organa uprave podrazumijeva rješavanje upravnih i neupravnih postupaka, a broj predmeta je prikazan u tabeli:

Broj predmeta u obradi		Broj riješenih predmeta	
2017	2018	2017	2018
18.349	17.917	16.501	15.738

Broj premeta obuhvata knjige upisnika i djelovodnika od čega je 29% predmeta upravnog rješavanja (upisnik), a 71% predmeta kroz neupravno rješavanje (djelovodnik).

d) *Sistemi upravljanja kvalitetom i okolišam*

U 2018. godini na osnovu Godišnjeg plana održavanja internih audita uspješno su realizovana dva interna audita na integrisanom sistemu upravljanja kvalitetom i okolišem i to:

- prvi interni audit održan je 21.06.2018. godine i 25.06.2018. godine
- drugi interni audit održan je 21.11.2018. godine i 28.11.2018. godine.

Eksterni auditi u 2018.godini:

- Recertifikacijski audit po normi ISO 9001-2015 održan je od 04.12.2018. godine do 05.12.2018. godine i proveden od jednog ovlaštenog auditora angažovanog od strane Bureau Veritas Certification Holding SAS-UK Branch. Rezultat recertifikacijskog audita je potvrdio da je sistem upravljanja usklađen sa svim zahtjevima norme ISO 9001-2015, dobro je održavan i kontinuirano se poboljšava što je rezultiralo obnovom certifikata ISO 9001-2015 do 19.01.2022. godine. Recertifikacija je pokazala da sistem potpuno učinkovit i ostvaruje Viziju, Politiku i Ciljeve kvaliteta. Vidno je opredjeljenje uprave ka stalnom poboljšanju procesa sistema, operativno planiranje i nadzor realizacije, uključenost i motiviranost zaposlenih za stalna poboljšanja i unapređenje razvoja lokalne zajednice.

- Nadzorni audit po normi ISO 14001-2015 održan je dana 06.12.2018. godine proveden od jednog ovlaštenog auditora angažovanog od strane Bureau Veritas Certification Holding SAS-UK Branch. Osnovno poboljšanje se ogleda u kontinuiranom smanjenju uticaja na okoliš. Početak projekta odvojenog prikupljanja otpada na području općine Tešanj je jedan od najznačajnijih projekata u dijelu upravljanja okolišem, kao i prikupljanje elektroničkog otpada što sve zajedno utiče na očuvanje okoliša. Audit je potvrdio da je sistem upravljanja usklađen sa svim zahtjevima norme ISO 14001-2015, te da je organizacija uspostavila i održava vlastiti sistem upravljanja u skladu sa zahtjevima standarda, te da je prikazala sposobnost sistema u postizanju organizacijske politike i ciljeva.

a) *Edukacija i razvoj ljudskih resursa*

Ljudski resursi su veoma važan faktor za razvoj organizacije, pa tako i Općine Tešanj. Za unapređenje znanja i razvoj vještina organizuju se stručne obuke uposlenika, te prezentacije kako bi se određene informacije približile uposlenicima. U skladu sa planom obuke uposlenika održano je 12 internih edukacija, te 2 cjelodnevne radionice iz oblasti komunikacije, motivacije na poslu te važnosti upravljanja ljudskim resursima. Pored internih obuka, uposlenici su učestvovali na 20 različitih eksternih obuka koje se odnose na rad u Općini Tešanj, te posebno organizirane obuke i edukacije kroz projekat MEG, Agencije za državnu službu i neke druge. U novembru je ugovoren ciklus edukacija za zaposlene.

b) *Madeli, alati i projekti unapređenja*

Harmonizacija podataka katastra i zemljišne knjige (gruntovnice)

Iako je prema planu Federalne geodetske uprave završen početno planirani dio projekta harmonizacije, zbog toga što su ostala neutrošena određena sredstva, jednom broju općina koje su uspješno implementirale do tada ovaj projekat omogućeno je da kandidiraju još jednu katastarsku općinu te je predložena KO Ljetinić čime smo objedinili jednu cjelinu od 10 katastarskih općina (Tešanj I, Tešanj II, Raduša, Novo Selo, Jevadžije, Jelah, Rosulje, Kraševo, Tešanjka i Ljetinić) na kojima je locirano najviše poslovnih subjekata, stambenih objekata, škola, zdravstvenih i drugih objekata. Ukupno harmonizovanih parcela sa Ljetinićem je 29.000. U Ljetiniću ima 1200 parcela. Poslove harmonizacije za Ljetinić radila je firma Godet d.o.o. Sarajevo pri čemu smo u općini vršili pregled sve dokumentacije prije slanja u zemljišnu knjigu. Prema sadašnjem stanju završeno je ili je u završnoj fazi u gruntovnici harmonizacija 29000 parcela, odnosno 56 km² površine općine evidentiranih u oko 12.000 posjedovnih listova. Ukoliko bi se harmonizacija vršila pojedinačnim zahtjevima građana, gdje svaki zahtjev košta 700 do 1000 KM, troškovi harmonizacije ovih parcela u zemljišnoj knjizi bili bi oko 10 miliona KM. Tolika je ušteda za građane. Osim toga kroz projekat već nekoliko godina pri Općinskom sudu u Tešnju zaposleni su zemljišnoknjižni asistenti (5 uposlenika) sa teritorije naše općine čiji se rad finansira iz projekta.

E -ovjera

Nakon analize postupka koji se odnosi na rad šaltera za ovjeru dokumenata, ukazala se potreba za brže pružanje usluge, jedinstven način rada i izvještavanja. Općina Tešanj je pokrenula postupak nabavke softvera za vršenje poslova ovjere. Ovjere će se vršiti kroz vođenje elektronskih djelovodnika i automatizovanu izradu pečata ovjere, a generalni efekat će biti da ćemo imati bržu uslugu prema građanima i automatizovane izvještaje. U toku je obuka uposlenika i druge pripreme za implementaciju navedenog softvera, te zvaničan početak primjene očekujemo krajem januara 2019.godine.

REALIZACIJA STRATEŠKIH DOKUMENATA I RAZVOJNIH PROJEKATA

U decembru 2017. godine usvojena je nova Strategija razvoja općine Tešanj, rađena na novim zakonskim rješenjima u skladu sa MIPRO metodologijom i podrškom UNDP-a. Osim načina izrade ovog dokumenta, mijenjana je i metodologija realizacije. Nova Strategija razvoja je na ambiciozan način definisala prioritete za planski period. Implementacija Strategije ima softversku podršku i redovno se ažuriraju prateći podaci u radu na Strategiji razvoja. Svaki od projekata/ciljeva je imao svog menadžera, koji je periodično izvještavao o realizaciji planiranog.

Vijeće će više o realizaciji strateških dokumenata i stepenu postignuća na dostizanju ciljeva biti informisano kroz **Izveštaj** o realizaciji Strategije općine Tešanj u 2018. godini. Osim toga u razvojnom smislu realiziran je plan kapitalnih ulaganja za 2018. godinu, sa unaprijeđenom metodologijom planiranja. Treba reći da je 2018. godina rekordna u pogledu visine ulaganja u infrastrukturu.

BUDŽET OPĆINE TEŠANJ

Realizacija općinskih politika, Strategije i odluka se odvija i kroz blagovremeno pripremljeni i usvojeni Budžet općine Tešanj, te kroz njegovu dosljednu i stabilnu realizaciju. Svi budžetski dokumenti (nacrt, prijedlog, izmjene i dopune, kvartalni, polugodišnji i godišnji izvještaji) su blagovremeno pripremljeni, podnešeni i usvojeni (**3 odluke i 4 izvještaja**). Budžet, DOB i svi izvještaji o izvršenju budžeta su objavljeni i nalaze se na web stranici Općine.

Kroz budžet su realizovane ili započete aktivnosti od blizu 15 miliona KM, a njegovom realizacijom je obezbijedeno funkcionisanje organa uprave, zadovoljenje opštedruštvenih potreba, zadovoljenje socijalnih potreba, sufinansiranje javnih ustanova, nevladinog sektora, poticaja privredi, studentskih stipendija, te respektabilna kapitalna ulaganja. Grantovi po raznim osnovama, kojim se sredstva vraćaju u privredu i društvene tokove, su dostigla nivo od **4,7 miliona KM**.

Izvorni prihodi Općine su porasli za 9,6%, a da pri tome nije vršeno uvećanje poreskih stopa i stopa općinskih такси i naknada. Putem općinskih blagajni izvršene su **21.503 naplate, uz naplaćenih 896.598,90 KM**.

Općina Tešanj je u 2018. godini provela 387 postupaka javnih nabavki u otvorenim, konkurentskim, direktnim i pregovaračkim postupcima vrijednosti cca. 8,8 miliona KM (bez PDV-a), pri čemu se najviše nabavki odnosi na radove (128 u vrijednost cca. 8 miliona KM), u skladu sa Zakonom o javnim nabavkama BiH („Službeni glasnik BiH”, broj:39/14). E aukcija je provedena u oko 50% slučajeva. Plan javne nabavke (sa svim izmjenama i dopunama) te drugi bitni elementi postupaka objavljuvani su na web stranici općine.

EKONOMIJA I POSLOVNO OKRUŽENJE

Trend ekonomskog rasta na području općina Tešanj je nastavljen. Naime, trend rasta registriranih privrednih subjekata evidentan je od 2010. godine kada je bilo registrirano ukupno 1975 privrednih subjekata i to: 701 pravno lice, 327 dijelova pravnih lica i 947 obrta, dok prema posljednjim

objavljenim zvaničnim podacima iz 2018. godine taj broj iznosi 2.421 privredni subjekt i to: 950 pravnih lica, 493 dijelova pravnih lica i 978 obrta.

U strukturi pravnih lica dominira oblast trgovine na veliko i malo sa 26,5 % učešća u ukupnom broju pravnih lica, sa 18,3 % učestvuje prerađivačka industrija i u odnosu na prošlu godinu bilježi blagi rast, 14,8 % čine ostale uslužne djelatnosti itd. U strukturi dijelova pravnih lica registriranih na području Općine dominira oblast trgovine koja čini 49,1 % ukupnog broja dijelova pravnih lica, ostale uslužne djelatnosti čine 8,3 % a finansijske usluge i osiguranje čine 8,1 %, 7,9 % čine zabava i umjetnost a prerađivačka industrija čini 5,8 %. U strukturi obrta dominira takođe oblast trgovine sa 27,8 %, prerađivačka industrija čini 17,3 %, oblast prijevoza čini 12,3 %, ugostiteljstvo 10 % , oblast poljoprivrede čini 8,9 % a ostale uslužne djelatnosti čine 8,1 %. Kao kod privrednih subjekata pozitivan trend zaposlenosti na području Općine Tešanj prisutan je od 2010. godine.

Prema zvaničnim podacima Federalnog zavoda za statistiku, zaposlenost se kretala u rasponu od 8.111 koliko je iznosila 2010. godine do 11.852 uposlena, koliko je iznosila u 2017. godini. Tokom 2018. godine Općina Tešanj zbog određenih promjena u načinu praćenja broja zaposlenih, ove podatke obezbjeđuje na mjesečnom nivou od Federalne poreske uprave. Prema tim podacima na kraj novembra 2018. godine na području Općine bilo je zaposleno 13.844 uposlenika, bez obzira na prebivalište zaposlenika, dok je broj zaposlenih osiguranika koji imaju prebivalište na području općine Tešanj u istom mjesecu 12.987 uposlenik. Ovaj podatak pokazuje da svaki dan na područje općine Tešanj na rad dolazi 823 uposlenika koji imaju prebivalište van Općine. Broj zaposlenih povećan je u odnosu na 2010. godinu za 5.703 nova uposlenika.

Uporedo sa rastom zaposlenosti, smanjivao se broj lica na evidenciji Zavoda za zapošljavanje. Broj nezaposlenih sa 7.788 evidentiranih u 2010. godini manji je za 35,6 %, i na kraju 2018. godine iznosi 5.754 nezaposlena lica ili 7 % manje nego u istom periodu prošle godine. U strukturi nezaposlenih sa 37,8 % učestvuje kvalifikovana radna snaga, 34 % čini nekvalifikovana radna snaga, 19,1 % čini radna snaga srednje stručne spreme dok 4,2 % ili 243 lica čine nezaposleni visoke stručne spreme.

Općina Tešanj već duže vrijeme čini napore na poboljšanju uslova za kojim se stvaraju pretpostavke za lakše i bolje poslovanje privrednih subjekata na području naše Općine, pa je to činila i u toku protekle godine. Općenito poboljšanje ukupnog poslovnog okruženja u potpomaže napredak lokalne ekonomije. U tom cilju, odnosno u cilju još boljeg razumijevanja potreba privrednih subjekata i unapređenja javno-privatnog dijaloga Općina ima uspostavljen Savjet za lokalni ekonomski razvoj – SLER. U toku 2018. godine na SLER-u su razmatrana pitanja budžeta Općine, takse i naknade, komunalne usluge, raspravljano je o prostorno-planskoj dokumentaciji i o kapitalnim projektima Općine sa fokusom na poslovnu infrastrukturu, općinski poticaji i druga pitanja od značaja za aktivno uključivanje i donošenje odluka od strane predstavnika realnog sektora.

a) Poslovna infrastruktura –

- Realiziran je projekat asfaltiranja puta u Ljetiniću, puta od magistralnog puta M4 do lokacije zv "Šljunkara", na kojoj radi veći broj poslovnih subjekata sa oko 200 zaposlenih. Vrijednost projekta je cca 150.000 KM, a finansiran je zajednički od općine i poslovnih subjekata na tom lokalitetu.
- Općina Tešanj uspješno okončala realizaciju projekta „Izgradnja prometnice-proširenje i spajanje poslovnih zona Ciglana i Glinište“ u visini od 198.666 KM. Sredstva u vrijednosti 150.000 su obezbijedena putem Vijeća ministara BiH. Realizacija ovog projekta podrazumijevala je i rješavanje vlasničkih odnosa.
- Uspješno okončan projekat izgradnje "Kanalizacionog kolektora B III sa smještajem istog u planirani koridor saobraćajne zone Glinište". Općini Tešanj za ovaj projekat obezbjedila je grant

sredstva u iznosu od 150.000 KM od strane Ministarstva za privredu ZDK. Ostatak sredstava do ukupne vrijednosti projekta obezbijeđeno je kroz Budžet općine Tešanj za 2018. godinu.

- U Poslovnoj zoni "Glinište" izvršeno je asfaltiranje saobraćajnice i izgradnja priključka na R474, sredstva rezervisana u 2017. godini u vrijednosti 298.367,79 KM. Projekat je ugovoren u 2017. godini, a realiziran u toku 2018. godine, jer se sačekalo da se okonča projekat kanalizacije kroz "Glinište".

Realiziranim projektima u poslovnoj zoni Glinište, završena je izgradnja osnovne infrastrukture u novoj poslovnoj zoni. Riječ je o višegodišnjem projektu.. Projekat poslovna zona Glinište je važan iz mnogo razloga:

- Otvoreno je novih 760 dunuma površine koja ranije nije bila korištena, i obezbijeđene su 33 nove lokacije za investiranje,
- Spojen je regionalni i magistralni put na još jednom mjestu, tako da se smanjuje saobraćajna gužva u raskrsnici Jelah,
- Spojene su poslovne zone Ciglana i Glinište novim mostom i primjerenom saobraćajnicom,
- Riješen je priključak na regionalni put 474 (rekonstrukcijom raskrsnice)
- Projektom je riješeno pitanje novih količina električne energije i definisana gradnja nove 110 kV trafo stanice, vrijednosti 5-6 miliona KM. Nažalost dva tendera Elektroprenosa BiH za gradnju trafo stanice su bila neuspješna i očekujemo nastavak aktivnosti..
- Izgrađena je saobraćajnica širine 7 m, uz saobraćajnicu je izgrađen novi kanizacioni kolektor koji je dio novog sistema i otpadna voda će od proljeća moći putovati cijevima do Kraševa. Pješačka staza, koja će kasnije postati trotoar je širine 1,5 metar...
- Uređivano je korito Radušice koliko je bilo moguće zbog vlasničkih odnosa.

Ukupno je do sada investirano oko 2.6 miliona KM. Iz općinskog budžeta je izdvojeno oko 1.8 miliona KM ili blizu 70%. Zeničko-Dobojski kanton je sufinansirao sa oko 500.000 KM, dok su Vlada Federacije i Vijeće ministara sufinansirali u iznosu oko 250.000 KM. Težište u narednom periodu:

- Priključak na M4. Isprojektovan je priključak na magistralni put, jer postojeći izlaz nije adekvatan. Kandidovano JP Ceste FBiH jer je u njihovoj nadležnosti finansiranje magistralnih puteva.
 - Preostalo nam je da insistiramo na gradnji 110 kV trafo stanice – da se ubrza taj posao,
 - Namjera nam je da Ciglana i Glinište postanu jedna poslovna zona u kojoj će svoju nafaku pronaći brojni poslodavci i radnici.
- Općina je u 2017. godini pripremila projektnu dokumentaciju za dalje uređenje poslovne zone Vila. Kroz prijavu na javni poziv Federalnog ministarstva razvoja, poduzetništva i obrta u 2018. godini obezbijedili smo sredstva u iznosu od 237.098 KM za projekat ukupne vrijednosti 339.097 KM – „Izgradnja intrazonskih saobraćajnica u poslovnoj zoni "Bukva" mikrolokacija "Vila"“. Sredstva su doznačena na općinski račun, u toku je procedura javne nabavke za odabir izvođača. Realizacija projekta (gradnja na terenu) se očekuje u prvom polugodištu 2019. godine.
 - Uporedo sa ovim projektima, općina je vodila aktivnosti na izradi adekvatne prostorno-planske dokumentacije, pripremu za Zoning plan Ljetinić i drugo.

a) **BFC SEE – BUSSINES FRIENDLY CERTIFIKATE**

Certifikacija općina sa povoljnim poslovnim okruženjem (BFC) predstavlja najbolje regionalne prakse u radu lokalne samouprave, posebno za poboljšanje i usklađivanje uslova za poslovanje, podsticanje ekonomske saradnje i privlačenje novih investicija. Od 2012. godine postaje regionalni standard u općinama i gradovima Jugoistočne Evrope (BFC SEE). Općina Tešanj je 2015. godine ispunila uslove da bude certificirana općina sa povoljnim poslovnim okruženjem prema zahtjevima BFC standarda, unapređujući kvalitet usluga i informacija koje jedinice lokalne samouprave pružaju privrednicima i stranim investitorima. Ocijenjeni smo sa 94,6 od 100 mogućih bodova, što je tada bila najveća ocjena

koju je dobila jedna općina u procesu certifikacije u regionu (Hrvatska, Srbija, Makedonija, Crna Gora i BiH). I danas, 4 godine kasnije to je record za sve općine koje prolaze ovaj process.

U 2018-toj godini smo ušli u proces recertifikacije (certifikat traje dvije godine) kako bi se utvrdila održivost BFC SEE standarda gdje svaka tvrdnja treba da bude dokumentovana i potkrepljena odgovarajućim dokazom, bilo da se radi o nekom dokumentu ili linku. Proces recertifikacije uključuje veliki broj učesnika iz različitih oblasti, obimnu dokumentaciju i dosta rada na unapređenjima u samoj upravi, te uključenosti svih uposlenika Općine na obezbjeđenju relevantnih dokaza. Općina Tešanj je tokom decembra 2018. godine završila sav svoj posao i dostavila dokaze o ispunjenosti kriterija svrstanih u 10 oblasti sa više od 65 podkriterija. Očekujemo finalnu evaluaciju recertifikaciju Općine Tešanj do kraja januara 2019. godine.

EKOLOGIJA I OKOLIŠ

Gradnja novog sistema kanalizacije

U kontinuitetu su se i 2018. godine sprovodile i realizovale aktivnosti u sklopu projekt "WATSAN", Prikupljanje, odvodnja i prerada otpadnih voda na području općine Tešanj.

1. Početkom godine zbog problema imovinsko pravne prirode, neophodnosti izgradnje trase kolektora dijelom kroz vodni pojas rijeke Usora te prelaska ispod rijeke Usora na području Rastoka bilo je potrebno dodatno izraditi tehnička rješenja. Na osnovu istih izdate su prethodna vodna i vodna dozvola od strane AVP Sava.
2. I tokom prethodne godine rađeni su poslovi na projektovanju sekundarne, tercijarne i mreže kućnih priključaka. U potpunosti je završeno projektovanje sekundarne, tercijarne kanalizacije sa kućnim priključcima za zone Tešanj, Bukva i Jelah. Projektovana je potpuno nova kanalizaciona mreža, sa odvojenom površinskom odvodnjom i kućnim priključcima. Izvršena je potrebna revizija. Projektovanje je u kašnjenju zbog projektanta, ali i jer se radi o zaista velikom i obimnom poslu, projektuje se cca 400 km kanalizacione mreže.
3. U I kvartalu je objavljen tender za izvođenje radova na kolektoru kanalizacije sa 4 Lot-a: nastavak radova na kolektoru BI od Kraševa do Ljetinića, nastavak radova na kolektoru BV od Novog sela do Tešanjke, radovi na kolektoru AI, od Jelaha preko Usore do Palučka u Novim Miljanovcima te kolektor B III kroz ID Glinište. Ukupna dužina predviđenih kolektora je 11.500 m sa ugradnjom, najvećim dijelom poliesterskih cijevi DNA OD 215-900 sa predviđenih 307 šahtova, te izgradnjom 2 pumpne stanice sa 3 kompleta opreme i elektroinstalacija. Ugovorena vrijednost radova je cca 3.900.000,00 KM, bez PDV-a. Struktura finansiranja je: 940.000 KM su sredstva od FZO FBiH, 545.000 KM su sredstva Vlade ZE-DO kantona (vodne naknade), 358.000 KM je iz budžeta općine, a ostatak je kredit EIB-a. Ugovori su potpisani krajem juna, a izvođači su uvedeni u posao od 15. do 19. jula. Radovi na Gliništu su okončani, a radovi na ostalim lotovima bi trebali biti okončani u I polovini 2019. godine
4. Fond za zaštitu okoliša Federacije je po ustaljenoj praksi raspisao 2 javna konkursa za dodjelu nepovratnih sredstava. Općina se prijavljivala i po prvom pozivu nam je odobreno 250.000 KM i ista će biti upotrebljena u finansiranju radova na kolektoru Jelah- N. Miljanovci.
5. Krajem mjeseca februara od strane Izvođača- JP Spreča d.d. Tuzla je dostavljen je revidovani Idejni projekat Postrojenja za preradu otpadnih voda. Idejni projekat je ključni dokument za nastavak idućih aktivnosti na Postrojenju.
6. I u ovoj godini su nastavljene aktivnosti vezano za otkup zemljišta u Kraševu za potrebe budućeg "Postrojenja" u skladu sa kadrovskim i finansijskim kapacitetima.

Završetkom aktuelnih radova na naprijed navedenim kolektorima završava se jedna izuzetno važna faza u realizaciji Projekta na način da je završena izgradnja primarnih kolektora u I fazi. Realizacijom svih planiranih/ugovorenih radova na primarnoj kolektorskoj mreži u I fazi uspostavlja se jedinstveni

funkcionalan sistem koji treba da se nadogradi i adekvatnom mrežom sekundarne i tercijarne mreže i na kraju i izgradnjom Postrojenja za preradu otpadnih voda. Općina je kao i prethodnih godina imala punu podršku od nadležnih kantonalnih i federalnih tijela i organa.

Vodosnabdijevanje – Razvoj novih vodovodnih sistema je redovna aktivnost općine Tešanj. U 2018. godini realizovano je slijedeće:

- Vodovodni sistem Medakovo-Trepče, završni radovi i sanacija prelaza puteva. Rad na preostalim priključcima. S krajem 2018. godine u realizaciji je bilo posljednjih 15 priključaka. Tokom godine sistem je funkcionisao u probnom radu, bez većih poteškoća.
- Pušten je u rad novi bunar PEB 1 u Jelah Polju. Priključena je električna energija, izvršen tehnički prijem, te obezbijedena upotrebna dozvola. Investicija je iznosila ukupno oko 400.000 KM, a obezbijedeno je oko 15 litara u sekundi novih količina vode. Tokom jesenjih mjeseci, oktobra i novembra, ovaj bunar je omogućio snabdijevanje da nismo imali redukciju.
- Realizovan je najveći dio preostalih radova na vodovodu Tepe Hrvatinići, cca 330.000 KM. Potpisani ugovori sa novim korisnicima (cca 75), koji su izvršili svoje obaveze (cca 98.000 KM). Izvršeno je priključenje najvećeg broja novih korisnika, te novi priključci ranijih korisnika. Sistem je od 3.1. u probnom radu. Preostali su neki radovi na podešavanju rada pumpi, sanaciji prelaza puteva i sl.
- Vodovod Raduša – U prvom dijelu godine realizovan je ugovor iz prethodne godine u vrijednosti cca 160.000 KM iz vodnih naknada. Ugovor i radovi su obuhvatali izgradnju pumpne stanice i najveći dio radova na spajanju rezervoara iznad Raduše i rezervoar iznad Sirana.
- Ugovoreni su (cca 760.000 KM) i značajnim dijelom izvedeni radovi na nastavku gradnje vodovoda Raduša (zona slobodni pad, plus pumpna stanica i zona Gornja Raduša). Sredstva su obezbijedena Budžetom općine Tešanj i kroz MEG projekat. Nastavak radova je planiran u novog građevinskoj sezoni (već izgrađeno u vrijednosti cca 470.000 KM). Uporedo sa radovima pripremljena je Odluka za Općinsko vijeće, a njenim usvajanjem i sama realizacija iste. Pripremljeni su ugovori i obavještenjaza učesnike. Već je potpisano preko 255 ugovora sa krajnjim korisnicima. Uplate građana su već u toku na namjenski račun općine Tešanj.
- Nakon usvajanja Rebalansa Budžeta, ugovoreni su (cca 77.000 KM) i najvećim dijelom izvedeni su radovi na gradnji vodovodnog sistema u DŽ. Planjama (izgrađen rezervoar 50m³, preostalo je da se urade dva vodozahvata).
- Kandidovan je projekat, obezbijedena sredstva u Ministarstvu poljoprivrede, vodoprivrede i šumarstva ZDK, a općina je nakon javnih nabavki provela najveći dio posla na projektovanju rekonstrukcije i dogradnje vodovodnog sistema u mjesnim zajednicama Mrkotić, Kalošević, Bobare-Drinčići-Blaževci. Isprojektovan je novi bunar kojim bi se snabdijevao Mrkotić, a u toku je još projektovanje za Kalošević i BBD. Vrijednost cca 30.000 KM.
- Rađeno je na pripremi projektovanja (pripremi istražnih radova i dr.) u zoni Jelah polja, kako bi se pripremale i obezbijedile dodatne količine vode.
- Pravna regulativa odluke o zaštitnim zonama izvorište Kraševo, bunar PEB 1 Jelah polje, bunar Miljanovci i stari bunari u Jelah Polju. Odluke za Jelah Polje i Miljanovce su u nadležnosti ZDK, a nisu završene zbog otežane procedure i učešća dvije općine. Osim toga pripremane su odluke za izvorište Princess.
- Nastavljeno je učešće u pravnom sporu sa općinom Usora za status ranije građenih bunara u Jelah polju, koji su teritorijalno unutar općine Usora.

Tokom 2018. godine na vodovodnom sistemu KP Rad povećan je broj korisnika/domaćinstava za cca 600 priključaka ili cca 2000 stanovnika. Kapacitet vodoizvorišta je povećan za oko 15 l/s ili oko 900 litara u minuti. Prema trenutnim informacijama isporučeno je oko 1.400.000 m³ vode, bez većih redukcija.

Upravljanje otpadom – .

Nastavljena je aktivnost na izradi dokumentacije za zatvaranje i sanaciju deponije. U toku je izrada Glavnog projekta sanacije i zatvaranja deponije otpada. Budućnost deponije, njene uređenosti, te pripreme za zatvaranje i promjenu koncepta prikupljanja i upravljanja otpadom (koje je u vezi sa izgradnjom regionalne deponije) jedno je od strateških pitanja za općinu Tešanj, na kojem se trenutno radi.

U obuhvatu prikupljanja otpada su sve mjesne zajednice sa 7672 potpisana ugovora (2012. godine je bilo 5403 ugovora, kraj 2016. godine 6352). Značajan rast obuhvata broja korisnika/domaćinstava je postignut aktivnošću općine i komunalnog preduzeća, uz podršku Federalnog ministarstva turizma i okoliša i obezbjeđenje besplatnih kanti. Podjelom kompostera postignuto je razdvajanje biorazgradivog otpada iz kućnog otpada, a time je smanjena količina deponovanog otpada. Akcija na podjeli kanti je i dalje u toku (do podjele svih 2000 kanti).

Osim odvojenog prikupljanja PET ambalaže, u toku godine se radilo na organizovanoj aktivnosti prikupljanja elektronskog i elektroničkog otpada, a pripremaju se i drugi oblici selektivnog prikupljanja otpada.

Okoliš

Tokom 2018. godine kontinuirano je nastavljeno mjerenje zagađenosti zraka na području općine Tešanj. Mjerenje je izvršeno u Industrijskoj zoni Bukva (preduzeće Pobjeda) u periodu od 04.09. do 04.10.2018. godine. U ovom mjerenju utvrđena su prekoračenja granične vrijednosti satnog prosjeka SO₂. Ovo je bilo 8. mjerenje na području općine Tešanj, a aktivnost se provodi od 2011. godine i provodi je Metalurški institut "Kemal Kapetanović" Zenica u saradnji sa Općinom Tešanj. U skladu sa usaglašenim aktivnostima sa komunalnim preduzećem JP „RAD“, tokom 2018. godine polugodišnje je vršeno utvrđivanje kvalitativno-kuantitativnih karakteristika otpadnih voda na gradskim kolektorima u slivu rijeke Tešanjke. Ispitivanje je izvršeno u periodu od 22.06. do 02.07.2018. godine na kolektorima Kotlanice, kružni tok Tešanj i Krndija, industrijske otpadne vode Bukva, primarni vod otpadnih voda Novo Selo i otpadne vode deponija Bukva. Tokom ispitivanja utvrđena su prekoračenja Amonijačnog azota, ukupnog azota, HPK-Cr (hemijska potrošnja kisika), BPK5 (biohemijska potrošnja kisika), ukupne suspendovane materije, deterđenti, sulfati i test toksičnosti. Rezultati ispitivanja kvalitativno-kuantitativnih karakteristika otpadnih voda za drugo polugodište 2018. godine se očekuje da bude dostavljeno od JP „Rad“ dd Tešanj.

Civilna zaštita (prevencija i sanacija)

U 2018. godini kontinuirano je vršeno praćenje stanja klizišta. Zabilježeno je aktiviranje 10 novih klizišta, pa se tako u Katastru klizišta vodi 296 klizišta. Četiri su sanirana u skladu sa hitnim mjerama, šest je urađeno u skladu sa preventivnim mjerama, a dva klizišta su ugovorena i čekaju na sanaciju. Urađeni su prioriteti sanacije za 2018. godinu. Sredstva za sanaciju klizišta osigurana su u Budžetu u ukupnom iznosu od 68.860,27 KM.

Provođenje preventivnih mjera zaštite od poplava tokom 2018. godine realizovano je u skladu sa Planom mjera zaštite od poplava i u skladu sa nastalim štetama usljed učestalih padavina. Aktivnosti su vođene u MZ Karadaglije, MZ Bobare-Drinčići-Blaževci, MZ Dobropolje-Mekiš, MZ Rosulje, MZ Jelah, MZ Novo Selo, MZ Piljužići, MZ Orašje Planje i MZ Jablanica. Provođenje mjera se odnosilo na čišćenje, produbljavanje i uređenje vodotoka, te izgradnju obaloutvrda na mjestima koja predstavljaju prijetnju dalje erozije obala i zemljišta. Ukupno je očišćen 5.831 metar vodotoka i uređeno 68 metara obaloutvrda. Za realizaciju navedenih aktivnosti utrošeno je 35.276 KM. U saradnji sa Kantonalnom upravom civilne zaštite sklopljen je Sporazum o izgradnji skladišta civilne zaštite na području općine Tešanj, odnosno na lokaciji Vatrogasnog doma u Tešnju. Izgradnja ovog

skladišta ima za cilj proširenje kapaciteta skladišnog prostora i dislociranje dijela opreme Kantonalne uprave civilne zaštite na područje općine. U toku je priprema za provođenje javne nabavke. Općina Tešanj je u decembru 2018. godine uputila zahtjev Kantonalnoj upravi civilne zaštite ZDK za dodjelu sistema za prečišćavanje vode za piće, koje je 2014. godine bilo instalirano na području MZ Kalošević. Očekuje se da navedeno postrojenje bude dodjeljeno i stavljeno u funkciju.

Općina Tešanj je 2017. godine kod UNDP BiH kandidovala projekat izgradnje preostalog stambenog objekta (Ramić Izudin) u MZ Mrkotić koji je oštećen usljed klizišta iz 2014 godine. Aplikacija je prihvaćena, utvrđena konačna lista, te je Općina Tešanj u mjesecu junu 2018. godine sa UNDP i partnerima potpisala Sporazum o saradnji na projektu. Također, Općina Tešanj je u mjesecu avgustu 2018. godine potpisala Ugovor o međusobnim odnosima u projektu sa vlasnikom objekta Ramić Izudinom. Aktivnost je u završnoj fazi te se očekuje početak gradnje objekta. Općina Tešanj u okviru projekta učestvuje sa 5.000 KM, uz obavezu izdavanja dozvole za građenje što je bio i uslov javnog poziva.

2018. godina zabilježena je kao kišna godina. To je posebno bila izraženo u mjesecu maju, junu, julu i avgustu, što je uzrokovalo i štete na infrastrukturi, stambenim i drugim objektima i poljoprivredi. Zbog obilnih padavina 01./02.08.2018. godine i zbog prouzrokovane štete, Općina Tešanj je proglasila stanje prirodne nesreće. Ukupna utvrđena šteta iznosila je 310.415 KM.

MLADI

Mladi su imali različite oblike podrške i u 2018. godini:

Stipendije svima je aktivnost koja je nastavljena i u 2018. godini. Na Konkurs za dodjelu općinske stipendije u 2017/2018. godini bilo je ukupno 380 prijava, a nakon provedenog postupka imenovane komisije, broj zaključenih ugovora općine o stipendiranju studenata u 2018. godini je 344. Općina je pravovremeno isplatila sve stipendije, te objavila javni poziv za akademsku 2018/2019 godinu. Proces je u toku, a prijavljeno je 320 kandidata. Cio proces/sistem je u posljednje tri godine mijenjan u pravcu dodatne stimulacije za odabir traženih zanimanja na tržištu rada.

Podržali smo predškolski odgoj novčanim podsticajima, a osnovne i srednje škole kroz podršku u materijalnom obezbjeđenju osnovnih potreba. Svim "prvačićima" (514) na početku školske godine obezbijeden je poklon paket u školskom priboru. Općina je finansirala sva školska takmičenja u znanju (matematika, fizika, engleski jezik, vjeronauka) i sportu (nogomet, košarka, rukomet, odbojka). Finansijski smo podržali gotovo sva učešća učenika na takmičenjima izvan Tešnja. Krajem nastavne godine organiziran je prijem za 92 najbolja učenika (uz finansijsku nagradu). Realiziran je još jedan Sajam srednjih škola i fakulteta, a kasnije i Sajam zapošljavanja.

Općina Tešanj je u 2018. godini bila značajna podrška i realizator Ministarstvu obrazovanja i osnovnim i srednjim školama. Preuzimali smo obavezu realizacije i sufinansiranja brojnih projekata u obrazovanju, iz želje da pomognemo i ubrzamo brojne projekte (stolarija, krovovi, sanacije, gradnja školskih dvorana i sl.), škole Mrkotić, Kalošević, Trepče, Šije, Jablanica, Huso Hodžić, SŠC, Tešanjka

Od projekata koji se odnose na mlade realizovano je sedam projekata neformalnih grupa kroz Omladinsku banku Tešanj. Ukupna vrijednost projekata je 25.613,63 KM, od čega je Općina Tešanj učestvovala sa 9.004,21 KM. Projekti su realizovani u mjesnim zajednicama Lepenica, Trepče, Medakovo, Tešanj. Tešanj je bio uključen i u Sportske igre mladih.

Podrška poduzetnim mladim ljudima je nastavljena sedmu godinu za redom, te je kroz javni poziv podržano 20 mladih da pokrenu vlastiti biznis, i to kroz registraciju poslovnih aktivnosti, doprinose u prvoj godini poslovanja, zakup prostora u prve tri godine poslovanja, a iznos podrške Općine Tešanj,

UNDPBiH, Ministarstvo rada i soc. politike je ukupno 80.000 KM. Općina Tešanj je ovim pristupom kroz osam godina (2011-2018) direktno podržala registraciju 60 poslovnih subjekata i zapošljavanje 71 mladih ljudi, te indirektno zapošljavanje još 24, što je ukupno 95 novih radnih mjesta. Od 60 poslovnih subjekata 53 i dalje uspješno rade i posluju.

KULTURA I NASLIJEĐE

Područje kulture će biti tretirano kroz izvještaje triju javnih ustanova koje djeluju u području kulture i informaciju o radu udruženja građana i Općinsko vijeće će imati priliku da na taj način raspravlja na ovu temu (manifestacije, izdavaštvo, kulturno naslijeđe, istraživanja itd.). Nastavljeno je kontinuirano djelovanje, uz neke rezultate koji 2018 tu godinu čine uspješnom u ovoj oblasti. Treba naglasiti da su u prethodnoj godini organizirane 3 općinske kulturne manifestacije kojima su obilježeni značajni datumi za općinu Tešanj (utvrđeni Statutom općine), te da je općina podupirala u druge javne i kulturne sadržaje koje su organizirala udruženja građana ili mjesne zajednice. U općinskim manifestacijama organizirano je 8 koncerata, 10 izložbi, 3 pozorišne predstave, 13 promocija, 3 tribine, 3 okrugla stola, 8 turnira...

Odlukom o obilježavanju značajnih datuma za općinu Tešanj definisane su aktivnosti koje su provedene i u 2018. godini putem mjesnih zajednica, udruženja i ustanova. Treba reći da su prigodno obilježeni državni praznici, općinski značajni datumi (4. april, 9. septembar i 10. decembar), te drugi značajni datumi (godišnjice formiranja jedinica, brigada i drugih manjih jedinica i sl.), te u okviru toga vršeno je uređenje nekih od lokacija a sve u skladu sa Programom obilježavanja tekovina odbrane 1992-1995. godine. Sadržaji koji su bili otvorenog karaktera imali su značajnu posjetu.

POLJOPRIVREDA

Na području naše općine, zastupljeni su različiti vidovi poljoprivredne proizvodnje, a u stočarskoj proizvodnji i dalje je najrazvijenije govedarstvo odnosno proizvodnja mlijeka kojom se bavi najveći broj gazdinstava. Otkup mlijeka od proizvođača sa područja naše općine vrši šest otkupljivača-prerađivača mlijeka, a za prikupljanje i skladištenje mlijeka obezbjeđeno je 40 laktofriza, otkupnih stanica raspoređenih u više mjesnih sredina. U toku 2018. godine otkupljeno je cca 7.000.000 litara sirovog mlijeka. Uz proizvodnju mlijeka u oblasti sočarske proizvodnje značajno mjesto ima i proizvodnja mesa peradi i junećeg mesa. U oblasti biljne proizvodnje, najveće sjetvene površine su pod žitaricama, u povrtlarskoj proizvodnji najveći značaj ima proizvodnja povrća u plastenicima, a značajne su površine i pod voćem. Nepovoljne vremenske prilike (led i kiše tokom jula) su imale za posljedicu da je proizvodnja odnosno ostvareni prinos kornišona i malina u 2018. godini ispod očekivanog a problemi otkupa malina, te niska otkupna cijena uticali su i na smanjenje ukupnih površina zasada malina.

Treba istaći da općina Tešanj od 2006. godine izdvaja budžetska sredstva za razvoj poljoprivrede i daje značajnu podršku poljoprivrednoj proizvodnji, i do sada je utrošeno oko 3.600.000 KM na novčane poticaje poljoprivredi. U 2018. godini zaprimljeno je 603 zahtjeva za poticaj poljoprivrednoj proizvodnji, od toga 434 zahtjeva za animalnu i 169 zahtjeva za biljnu proizvodnju (19 nije ispunilo kriterije). U oblasti animalne proizvodnje za 363 gazdinstva odobren je poticaj proizvodnji mlijeka, za 40 poticaj pčelarstvu i za 21 poticaj za tov junadi. U oblasti biljne proizvodnje za 35 gazdinstava odobren je poticaj proizvodnji povrća za otkup, za 69 proizvodnji u plastenicima, 38 proizvodnji voća za otkup i za 20 gazdinstava poticaj proizvodnji povrća i ljekobilja na otvorenom. Ukupno za 2018. godinu za 544 korisnika isplaćeno je 353.273,30 KM o čemu će vijeće kao i o stanju u poljoprivredi biti upoznato kroz Informaciju o stanju u poljoprivredi i realizaciji općinskih poticaja u 2018. godini. Pored općinskih novčanih poticaja, poljoprivrednici apliciraju na federalni i kantonalni novčani poticaj i u toku 2018. godine realizovano je 2.200.873 KM (fed.poticaj) i 442.831KM (kant.poticaj).

Ukupan iznos ostvarenih novčanih poticaja poljoprivrednoj proizvodnji u 2018. iznosi 2.996.977 KM. Sva fizička i pravna lica koja žele aplicirati na poticaj moraju se upisati u Registar poljoprivrednih gazdinstava i Registar klijenata, odnosno već upisani ažurirati podatke u Registru koji vodi općinska služba nadležna za poslove poljoprivrede, tako da je do sada u Registar upisano 1994 gazdinstava, a 1154 ih je u već 2018 ažuriralo podatke.

KOMUNALNA INFRASTRUKTURA I SAOBRAĆAJ

Saobraćajna infrastruktura

Na području općine ukupno je 536 kilometara cesta različitih kategorija. U općinskoj nadležnosti bilo je ljetno i zimsko održavanje na lokalnim i nekategorisanim cestama kao i gradskim i prigradskim ulicama. Redovno održavanje čini skup aktivnosti koje se obavljaju tokom cijele kalendarske godine, kontinuirano, uz intervencije tokom 24 sata u cilju održavanja prohodnosti tehničke ispravnosti cesta i sigurnosti odvijanja saobraćaja. U okviru redovnog ljetnog održavanja saobraćajnica obuhvaćeno je ukupno oko 265 asfaltnih i 195 makadamskih cesta. Obuhvat na zimskom održavanju je ove godine neznatno povećan (u dijelu poslovnih zona i i bolje povezanosti sa susjednim općinama) a obuhvaćeno je oko 325 kilometara cesta i 48 kilometara trotoara .

U 2018. godini najviše se radilo na sanaciji asfaltnog i makadamskog kolovoza i trupa puta, potpornih i obložnih zidova, mostovnih konstrukcija, zaštite kosina, nasipa, usjeka i zasjeka, čišćenja drenaža, propusta i drugih objekata za odvodnju, zatim čišćenju i ucjevljenju putnih kanala, košenju trave i krčenju šiblja u putnom pojasu te zamjeni i popravci horizontalne i vertikalne signalizacije, čišćenju snijega sa saobraćajnih površina, sprečavanju pojave poledice posipanjem protiv-kliznim materijalom naročito na opasnim lokacijama kao što su mostovi i dionice sa velikim podužnim nagibima i dr.

Vijeće je razmatralo posebnu informaciju o održavanju putne infrastrukture, a osim toga imat će na uvidu i izvještaj o realizaciji plana kapitalnih ulaganja u 2018. godini.

Javna rasvjeta

Na području Općine imamo 90 mjernih mjesta ulične rasvjete (više za 9 mjernih mjesta u odnosu na 2017. godinu) u 24 mjesne zajednice sa utroškom električne energije u 2018. godini od cca 253.448,75 KM. U pripremi je još jedno mjerno mjesto za koja je data saglasnost (MZ Bobare-Drinčići-Blaževci). Do proširenja javne rasvjete u 2018. godini je došlo u slijedećim mjesnim zajednicama: MZ Raduša- (LED rasvjeta), MZ Jablanica- Roše (LED rasvjeta), MZ Novi Miljanovci (LED rasvjeta), Jevadžije, Kraševo. Nova mjerna mjesta su instalisana u: MZ Raduša (jedno mjerno mjesto), MZ Jablanica (jedno mjerno mjesto), NZ Novi Miljanovci (jedno mjerno mjesto), MZ Jevadžije (dva mjerna mjesta) i jedno mjerno mjesto veliki jarbol za zastavu u Kraševu.

Ukupan broj evidentiranih svjetiljki, poslije izvršenog popisa je oko 7400 kom. Skeniranje i obilježavanje svih stubova javne rasvjete na teritoriji cijele Općine još nije finalizirano. U posljednje vrijeme sve MZ koje rade izgradnju ili proširenje javne rasvjete u glavnom ugrađuju LED rasvjetna tijela. Odlukom o javnoj rasvjeti mjesne zajednice finansiraju izgradnju i brinu o funkcionisanju javne rasvjete, a troškove potrošnje električne energije u cjelosti padaju na teret budžeta. Izgradnja i održavanje javne rasvjete u područjima obuhvaćenim regulacionim planom (obveznici plaćanja rente) u nadležnosti je ugovornog preduzeća (shodno raspoloživim sredstvima).

U toku godine izvršena je rekonstrukcija dijela postojeće javne rasvjete u urbanim zonama Tešnja i Jelaha (na relacijama HIFA Krndija do MUP Tešanj i MRAMORPROM Jelah do FAD Jelah) zamjenom starih rasvjetnih tijela LED rasvjetnim tijelima (investicija od cca. 70.000,00 KM), kao i proširenje

javne rasvjete u dvije ulice. Prosječna ušteda električne energije na mjernim mjestima gdje je ugrađena LED rasvjeta je oko 1.100,00 KM mjesečno. Troškove priključka mjernih mjesta plaća Općina iz sredstava budžeta.

I pored relativne velikog proširenja javne rasvjete potrošnja električne energije je povećana za oko 18,5%. Utrošeno je ukupno 253.448,75 KM ili 1249644,861 kW (na 90 mjernih mjesta) električne energije za javnu rasvjetu. Što je 8,8% više kW električne energije. Radi podsjećanja, u 2017. godini utrošeno je 206675,41 KM ili 1139202,532 kW (na 81 mjernom mjestu). Na instaliranoj LED rasvjeti postignuta je ušteda: 27699 kW ili 4052,57 KM. Razlog povećanja troškova je i veća cijena električne energije u odnosu na 2017. godinu.

Komunalna higijena i uređenje javnih površina

Program komunalne higijene najvećim dijelom se realizuje kroz godišnji Ugovor sa JP "RAD" d.d. Tešanj. Programom komunalne higijene predviđeno je redovno održavanje ulica, javnih i zelenih površina, trotoara i trgova na području Tešnja, Jelaha i Tešanjke. U vrijeme značajnijih državnih, općinskih i vjerskih praznika vrši se dekoracija urbanih naselja. Vršiti se sanacija i dopuna korpi za otpatke, čišćenje snijega sa trotoara i trgova, vrši se čišćenje korita rijeke Tešanjke kroz grad i sl. Za površine koje nisu obuhvaćene Ugovorom, uređenje i održavanje se radi kroz angažman lica sa Zavoda za zapošljavanje.

Kroz program proljetnog i jesenskog uređenja urađeno je zasađivanje cvijeća na Programom predviđenim površinama. U 2018. godini sadnja cvijeća je ugovorena sa Cvjećarskom radnjom "Džido", a jedan dio je rađen kroz Sporazum sa Srednjom poljoprivrednom školom Tešanj. Zaljevanje i okopavanje cvijeća radi se kroz Ugovor sa JP "RAD" d.d. Tešanj. Radi se i popravka parkovskih klupa, kao i sanacija postojećih.

Prikupljanje i odvoz smeća je poboljšano i trenutno imamo u obuhvatu 7672 korisnika. U 2018. godini očišćeno je oko 70 m³ smeća sa divljih deponija i sa 9 lokacija (Jelah-Potočanni, Piljužići, Kalošević, Bobare-Drinčići-Blaževci, Bukva, Tešanjka i Raduša-tri lokacije). Primjetno je da je broj većih divljih deponija u opadanju i da građani više i aktivnije reaguju na ovakve pojave. Na području općine postavljeno je novih 6 autobuskih stajališta i sada ih ima ukupno 69, uz lokalne, regionalnu i magistralne ceste.

JAVNA PREDUZEĆA I USTANOVE

Općina je osnivač 8 javnih ustanova i 3 javna preduzeća. Općinski načelnik imao je putem nadležnih službi ili direktno saradnju sa svim preduzećima i ustanovama. Svaka javna ustanova i preduzeće imalo za 2018. godinu usaglašene godišnje ciljeve rada (ukupno 83). Javne ustanove i preduzeća su dostavljale kopije zapisnika sa 66 sjednica upravnih (javne ustanove) i 34 sjednica nadzornih odbora. O radu javnih ustanova i preduzeća Vijeće će se detaljno informisati putem informacije o radu javnih ustanova i izvještaja preduzeća.

U toku 2018. godine proveden je postupak imenovanja jednog upravnog odbora u JU Muzej, te izbor 4 direktora (Muzej, Sportsko-rekreacioni centar i Dom zdravlja) i Tešanjskoj razvojnoj agenciji.

O radu javnih ustanova i preduzeća Općinsko vijeće će se upoznati prilikom razmatranja redovnog godišnjeg izvještaja o radu i poslovanju.

MJESNE ZAJEDNICE

Informacija o radu mjesnih zajednica za 2018 godinu (nakon završnih računa) će sadržavati detaljniji pregled rada mjesnih zajednica. Treba naglasiti da su organi mjesnih zajednica tokom 2018. godine,

pored obavljanja redovnih aktivnosti za koje su birani (pružanje usluga građanima, prepoznavane, iniciranje, kandidovanje i praćenje realizacije kapitalnih projekata, provođenje projekata u sopstvenoj režiji, prikupljanje sredstava, itd) uložili znatne napore na realizaciji projekata u vlastitoj režiji a koji se prvenstveno odnose na prikupljanje sredstava za sufinansiranje projekata sa Liste kapitalnih projekata i realizaciju projekata javne rasvjete (Karadaglije-Koprivci, Jablanica-Roše i Čaglići, Jevadžije, Mrkotić, Orašje Planje....), kao i doprinos realizaciji važnih projekata koje su zajednički vodili Općina Tešanj i mjesne zajednice kao što su asfaltiranje puteva, adaptacija objekata i td. (Miljanovci-Lončari, Novi Miljanovci, Jablanica-Čaglići, Ripna, Kalošević, Mrkotić, Tešanjka, Šije, Tešanj,...)

MZ su održale 194 sjednica savjeta MZ ili u prosjeku 7,76 sjednica Savjeta po MZ i 38 sjednica skupštine ili u prosjeku 1,52 sjednice po MZ-ci, sa ukupno donesenih 2084 odluka i zaključaka (1372 odluka i 712 zaključaka) koji su redovno dostavljani općini na uvid. Ukupno 515 članova organa MZ-aktivista bili su inicijatori i podrška brojnih aktivnosti. Ako dodamo aktiviste koji su uključeni u aktivnosti kroz građevinske odbore za realizaciju projekata, organizacione odbore i radne timove za pripreme i organizaciju manifestacija u MZ te organizovane sastanke sa građanima radi definisanja prioriteta (UNDP projekat) i stvarnih problema građana određenih zaseoka dolazimo do brojke od preko 1500 aktivista u 25 MZ.

Tokom 2018.godine izvršena je zamjena Predsjednika Savjeta u dvije MZ i to MZ Novi Miljanovci i MZ Džemilić Planje, a na lični zahtjev prethodnih predsjednika Savjeta, u nekoliko MZ došlo je do zamjena članova Savjeta i Skupština iz različitih razloga od smrti, privatnih razloga, podnošenja ostavki, promjene političke opcije i sl., tom prilikom ovim mjesnim zajednicama pružena je pomoć u provođenju propisanih poslovnih procedura. Krajem godine u MZ Bobare, Drinčići, Blaževci, a na osnovu Odluke OV Tešanj, uvedeno je povjereništvo i odmah pokrenuta procedura izbora novih članova Savjeta i Skupštine te su do kraja godine održane konstituirajuće sjednice organa MZ. Vršeni izbor sekretara u mjesnoj zajednici Mrkotić, te pritisak na MZ Vukovo i Bobare, Drinčići, Blaževci, da angažuju lice za obavljanje administrativno tehničkih poslova, jer u MZ Vukovo te poslove obavlja Predsjednik Savjeta i sekretar susjedne MZ Jelah koji su upozoreni na poštivanje poslovnika i izbor sekretara MZ u narednom periodu.

Osim nekoliko usmenih upozorenja za izvještavanje i podsjećanja na obaveze MZ za održavanje sastanaka i dostavljanje zapisnika, te pismenog upozorenja za otklanjanje nedostataka, nije bilo izricanja mjera obustava uplata sredstava za MZ, a nakon upozorenja uočeni nedostaci su otklonjeni, osim u MZ Bobare, Drinčići, Blaževci, gdje je poslije niza pokušaja za postizanje dogovora uvedeno povjereništvo. Stalna koordinacija sa knjigovodstvenim servisom u cilju dostizanja višeg nivoa zakonitosti u trošenju sredstava i izvještavanju o istim, u dva navrata predstavnik knjigovodstvenog servisa prisustvovao edukacijama predstavnika MZ te pojasnio obaveze organa MZ i upoznao iste sa eventualnim izmjenama u načinima obračunavanja određenih poreza i doprinosa.

Općinski načelnik sa saradnicima tokom godine je organizovao 31 sastanak sa predstavnicima 23 mjesne zajednice, uglavnom na zahtjev predstavnika MZ. Općinski načelnik je organizovao i 2 tematska sastanka sa svim predsjednicima savjeta i sekretarima MZ, prvi se odnosio na realizaciju kapitalnih projekata u MZ gdje su se predsjednici izjašnjavali o spremnosti projekta i u kojem periodu žele da se realizuje, a drugi sastanak je bio u cilju analize realizovanih projekata, problemi na koje smo nailazili, njihovo rješavanje i prezentacija novog načina kandidiranja projekata MZ za izradu liste kapitalnih projekata (trogodišnje). Ovo se pokazalo kao dobra praksa. Organizovan je i jedan zajednički sastanak sa svim MZ koje su pogođene učestalim poplavama a cilj je bio sagledavanje stanja i poduzimanje hitnih intervencija za otklanjanje nastale štete. U cilju prevazilaženja poteškoća u radu MZ Bobare, Drinčići, Blaževci organizovan je zajednički sastanak Skupštine i Savjeta ove MZ

ali napretka nije bilo, te je Općinskom vijeću predložena Odluka o povjereništvu, koja je do kraja 2018. godine velikim dijelom i provedena.

Edukacija: Realizovano je 14 tema edukacije sekretara i predsjednika Savjeta MZ. Prisustvo sekretara 72,33 % ili 18 prisutnih sekretara po terminu (prisustvo je manje od očekivanog jer dvije MZ veći dio godine nisu imale angažovanog sekretara a neki od sekretara obavljaju i druge poslove pa su bili spriječeni da prisustvuju), prisustvo predsjednika savjeta 22 % ili 5,5 po terminu edukacije što je također opravdano jer je većina predsjednika u radnom odnosu i ne mogu biti prisutni na edukacijama.

NVO

Općina je u 2018. godini finansirala ukupno 81 projekat (povećanje u odnosu na 2017. godinu). Iz oblasti kulture finansirano je 14 projekata, oblast sporta 33 projekta, te ostala udruženja 20 projekata. Za Udruženja od posebnog interesa (definisano Odlukom Općinskog vijeća) Općina Tešanj je također obezbjedila podršku u redovnom radu. Kao i ranije realizovani su različiti sadržaji na području općine Tešanj, ali i dana podrška u učešću na raznim događajima u zemlji i inostranstvu. I ove godine su organizovane sportske igre mladih, izbor sportiste godine, pojedinačni sportski turniri, Izložba sitnih životinja, gastroizložbe, Izložbe putem CKO, biblioteke, muzeja i IZ-a Tešanj. Organizovane su različite ekološke aktivnosti, dva sajma (privrede i pčelarstva), različite edukacije predstavnika Udruženja i mladih aktivista. Takođe obilježili smo i važne obljetnice sportskih klubova 90 godina TOŠKa (2017) i 70 godine BORAC-a Jelah (2018). Za djecu dijabetičare, putem SUGAR-a, obezbjedili smo nabavku LIBRI (senzorskih uređaja za mjerenje šećera bez ubadanja).

BORAČKE POPULACIJE

Ostvarivanje prava boračkih populacija nije i direktnoj nadležnosti općine nego su prenesene nadležnosti/obaveze od ZDK, te se po službenoj dužnosti ili po zahtjevu stranaka radi na donošenju prvostepenih rješenja u predmetima priznavanja prava na porodičnu i ličnu invalidninu i ortopetska pomagala. Služba vrši redovni mjesečni obračun invalidnina za 1173 korisnika porodične i lične invalidnine i isti dostavlja Ministarstvu za boračka pitanja ZDK koji u skladu sa podatke svih Općina sa područja ZDK dostavlja na združivanje sa ostalim dijelom korisnika boračko-invalidske zaštite Federalnom ministarstvu za pitanja boraca i invalida koje korisnicim vrši isplatu putem banaka. Na ovaj način za korisnike porodične i lične invalidnine općine Tešanj realizovano ukupno 3.700.877,38 KM. U 2018. godini je izdato 961 uvjerenja iz službenih evidencija. Služba vodi poslove za korištenje obaveznog zdravstvenog osiguranja za boračke populacije, a u 2018. godini smo imali 55 predmeta (prosječan broj korisnik je 325).

Kada su u pitanju dopunska prava korisnika po kantonalnim propisima situacija se značajno popravila te nema neizmirenih obaveza prema korisnicima, a što je u ranijem periodu bio slučaj. Treću godinu za redom nastavljen je uspješan projekat poticaju samozapošljavanja i zapošljavanja boračkih populacija, a što je realizovano putem javnog poziva. Sve navedeno je vidljivo u sljedećoj tabeli:

Naziv postupka	Broj zahtjeva	Uvaženo zahtjeva	Odbijeno zahtjeva	Neriješeni zahtjeva	Odobreno sredstava 2018 (KM)	Dugovanja iz 2017. godine i ranije	Isplaćeno u 2018. godini (KM)	Planirane prenesene isplate u 2019. godinu

JNP putem organa uprave (općinska sredstva)	377	358	8	11	51.975	0	51.975	0
Dodjela prehrambenih paketa (općinska sredstva)	254	254	0	0	14.997	0	14.997	
Vanredna novčana pomoć	302	283	19	0	82.450	8.750	89.600	1.600
Zahtjev za pomoć u liječenju	341	313	20	8	109.150	3.450	107.700	4.900
Nabavka ortopedskih pomagala	3	3	0	0	3.210	0	3.210	0
Pomoć u nabavci udžebenika	212	205	7	0	26.250	0	26.250	0
Pomoć u stambenom zbrinjavanju (Kanton)	139	19	109	11	95.056	0	95.056	0
Zahtjev za odobrenje stipendije za školsku 2017/18	205	190	15	0	208.000	0	208.000	0
Banjsko liječenje	190	46	73	71	x	x	x	x
Pomoć u snošenju troškova dženaze	122	93	2	27	67.908	0	67.908	x
Zahtjev za ličnu invalidninu	10	1	9	0	x	x	x	x
Samozapošljavanje i upošljavanje boračke populacije	80	62	18	0	390.000	0	165.000	225.000
Zahtjev za porodičnu invalidninu	26	23	3	0	x	x	x	x
Zdravstveno osiguranje	55	20	2	33	x	x	x	x
Ukupno	2.316	1.870	285	161	1.048.997	12.200	829.697	231.500

PENZIONERI, SOCIJALNA ZAŠTITA

Koliko god općina nastojala da pomogne, rješenje problema sa kojima se susreće 5270 penzionera (podatak o isplaćenim penzijama za novembar 2018) sa područja općine, ne može ponuditi općina. Pensioneri sa prostora općine Tešanj čine 1,46 % populacije penzionera FBiH. Prisutno je 2924 korisnika starosnih penzija, 815 invalidskih i 1531 porodičnih penzija na prostoru općine Tešanj. Struktura prava po kojima su ostvarene penzije uglavnom je na nivou prosjeka FBiH (unutar 1,5%).

DOMAĆE I MEĐUNARODNE INSTITUCIJE-SARADNJA SA DRUGIMA

Saradnja sa drugim općinama

Nastavljena je saradnja sa drugim općinama. Naročito je bila prisutna intenzivna saradnja sa susjednim općinama Doboj jug i Usora (zajednički kolektori i uređaj za tretman otpadnih voda i dr.). Postignut je važan sporazum općina Usora i Tešanj i na osnovu njega obezbijedena građevinska dozvola, te nakon toga i radovi. Sa općinama Žepče i Teslić imali smo saradnju u području mikroregije pogodne za investiranje (projekat COBEAR). Sa susjednim općinama održan je niz različitih sastanaka Teslić, Doboj, Doboj Jug, Usora, Žepče.

Tokom 2018. godine općinu su posjetile predstavnici ili zvanične delegacije općina: Fojnica, Sanski Most, Jajce, Doboj Jug, Doboj Istok, Bolu (R. Turska), Šoštanj (R. Slovenija), Velika Gorica (Hrvatska), Češki Brod (Češka).

Ambasade i međunarodne organizacije

Općina Tešanj je u 2018 godini aktivno saradivala sa predstavnicima ambasada akreditovanih u Bosni i Hercegovini i brojnim stranim i domaćim organizacijama. Ostvaren je kontakt sa slijedećim ambasadama u BiH: Švicarska (projekti koji su se realizirali u Tešnju), Italija (podrška organizaciji Sajma privrede i dr.), Malezija (mogućnosti finansijske podrške za poslovne subjekte, Njemačka (direktno i putem KAS), Turska, Palesstinsko ministarstvo lokalne uprave... Osim toga organizirana je posjeta Delegacije EU i ambasadora Wigemarka

UNDP - Jačanje ulage mjesnih zajednica

Općina Tešanj je kroz trogodišnje učešće u Projektu "Jačanje uloge mjesnih zajednica (MZ) u Bosni i Hercegovini (BiH)" koji je zajednička inicijativa Vlada Švicarske i Švedske, a realizuje se putem UNDP. Realizovan niz aktivnosti o kojima su vijećnici informisani u ranijem period. Tokom 2018. godine:

- Urađen je niz aktivnosti koje su u saradnji sa UNDP, CCI, SOG FBiH imale za cilj izrade Planova unapređenja MZ, poboljšanje uslova za rad, veće uključenost organa MZ i građana u proces donošenja odluka i prijedlog za izmjene i dopune zakona o principima lokalne samouprave FBiH.
- Urađeno je nekoliko edukacija menadžera DC sa ciljem stvaranja uslova za funkcionisanje istog na nezavisnoj osnovi po pitanju finansiranja,
- Urađena je externa evaluacija Općine Tešanj sa ciljem ocjene realizacije prve faze ovog Projekta a koja će ujedno odrediti način realizacije eventualno druge faze (što zavisi od Država donatora Švedske i Švicarske) te potencijalne učesnike u II fazi; prema dobijenim informacijama Općina Tešanj je ocijenjena visokom ocjenom.

Materijalna korist Općine do kraja godine, bez vlastitog učešća-isključivo sredstva Švicarske i Švedske implementirana putem UNDP BiH će iznositi 332.887,60 KM, uz uplaćenih 133.232.2 KM vlastitih sredstava dolazimo do podatka da je u sklopu projekta JUMZ u BiH ukupna vrijednost investicija u šest plus jedna MZ iznosila je 466.119,80 KM.

Prva faza ovog Projekta završava tokom ove godine i očekujemo informacije da li ostajemo u samom projektu Jačanje uloge MZ u BiH i koje su eventualno nove obaveze ali i koja su očekivanja istog.

UNDP - Projekat općinskog akališnog i ekanamskog upravljanja (MEG)

Općini Tešanj, kao najuspješnijoj općini u BiH po rezultatima Projekta općinskog okolišnog i ekonomskog upravljanja (MEG) dodijeljeno je priznanje izvrsnosti. Nakon dodjeljenih 290.000 KM grant sredstava za razvojne investicije a za rezultate u MEG projektu za 2017-tu godinu, i u 2018-toj godini nastavljene su aktivnosti na unapređenju institucionalnih kapaciteta za primjenu principa dobre uprave, osiguranje kvalitetnih lokalnih usluga, učinkovitiju interakciju s relevantnim akterima i stvaranje okruženja pogodnih za poslovanje, omogućavanje novih radnih mjesta i ekonomski rast.

Općina je i ove godine radila na poboljšanju pružanja javnih usluga, na boljem upravljanju rezultatima, što je dovelo do poboljšanja kvaliteta rada javnog sektora i kvalitetnijih komunalnih usluga. Konkretni projekti su tretirali izgradnju i obnovu vodovodne i kanalizacione mreže, smanjenja gubitaka vode, ali i ulaganja u poslovno okruženje, podršku poduzetništvu, poticajima zapošljavanju.

Osim priznanja izvrsnosti Općina Tešanj je dobila priznanja za uspješnu saradnju na MEG projektu i priliku da u oktobru o.g. u Briselu na Evropskoj sedmici regija i gradova, upozna se sa dobrim praksama u ekonomskom razvoju i socijalnoj uključenosti, javno-privatnom partnerstvu, prekograničnoj saradnji, lokalnim strategijama razvoja, budućnosti gradova, e-upravom i dr. Od kraja 2018-te slijedi provjera dokaza o napretku u 27 oblasti rada. Ocjena našeg napretka tokom 2018-te godine daje nam za pravo očekivanih 133.500 KM podrške za infrastrukturne projekte, softver za prijave komunalnih problema, izradu elaborata sanitarne zaštite za tri mjesna izvorišta, i dr.

Projekat zatvaranja kolektivnih centara i alternativnog smještaja putem osiguranja javnih stambenih rješenja na području Federacije Bosne i Hercegovine CEB 2

Krajem 2017. godine započeti su radovi na izgradnji višestambenog porodičnog objekta sa 21 stambenom jedinicom na lokalitetu Medakovo, ali su privremeno obustavljeni nekoliko puta od strane izvođača, a zvaničan prekid radova desio se u aprilu 2018. godine.


Izvođač radova tražio je jednostrani raskid ugovora (detalji su dio pravnog postupka koji nije završen u 2018. godini). Nakon završetka aktivnosti oko raskida ugovora, Ministarstvo kao ugovorni organ će pokrenuti proceduru za izbor novog izvođača radova. Ovo najviše utiče na raseljene osobe koje nemaju riješeno stambeno pitanje, ali ćemo poduzeti sve aktivnosti kako bi se izgradnja objekta nastavila u što kraćem roku. Novi postupak izbora izvođača i kasnija realizacija projekta će uticati i na druge projekte, koji imaju vezu sa uklanjanjem privremenih objekata na Vili i nastavku uređenja Poslovne zone Vila.

Drugo - Pored navedenog općina je sarađivala i sa drugim organizacijama i institucijama: Mozaik, CRS, ADRA, OSCE, Privredna komora FBiH, USAID, TIKA, REZ Zenica

REZIME

Postoji još mnogo sadržaja i informacija koje nisu mogli stati u Izvještaj. Općinski načelnik kao organ lokalne vlasti dio je lokalne samouprave i u radu Općinskog načelnika (uostalom kao i Općinskog vijeća) uključen je organ uprave, brojne institucije, brojni pojedinci, komisije, timovi... Svi oni omogućili su provođenje u izvještaju opisanih aktivnosti. Kao što je rečeno u uvodu sve to treba promatrati u kontekstu vremena i okolnosti.

U 2018. godini na prostoru općine Tešanj ostvarena je politička, institucionalna i finansijska stabilnost, obilježena radom na strateškim opredjeljenjima općine Tešanj i ključnim infrastrukturnim izazovima. To je pomoglo da se nastavi razvoj općine i u drugim područjima u kojima općina ima ograničen uticaj: bezbjednosti, obrazovanju, ekonomiji, kulturi, sportu, nevladinom sektoru, vjerskom životu i sl. Nastavljen je trend rasta, razvoja i napretka u brojnim područjima. Vjerovatno bismo željeli i više i bolje. To je prirodno i to će nas motivirati za budući rad, ali nam ne smije umanjiti objektivnost u pogledu na vrijeme iza nas.



Općinski načelnik

Mr.sc. Suad Huskić